

TULONG ITI KINAAWAN PANGGEDAN ITI DIDIGRA

Dagiti Karbengan iti Impormasyon ken Tulong

Ania ti Tulong iti Kinaawan Panggedan iti Didigra (DUA)?

Ti Tulong iti Kinaawan Panggedan iti Didigra (DUA) ket mangipaay kadagiti temporaryo a benepisyo kadagiti indibidwal a napukaw wenno nasinga ti panggedan wenno bukodda a panggedan kas direkta a resulta ti dakkel a didigra ken saan a maikari iti regular nga seguro ti kinaawan trabaho (UI). Ti direkta a resulta kaipapananna ti pannakapukaw ti panggedan wenno bukod a panggedan gapu iti mismo a dakkel a didigra ken saan a resulta dagiti napaut a pasamak a gapuanan wenno pinakaro ti didigra. Sukimaten ti ahensya ti UI no maikari dagiti indibidwal para kadagiti regular a benepisyo ti UI sakbay a masarakanna ida a maikari para iti DUA. No dagiti indibidwal ket maikari kadagiti regular a benepisyo ti UI, maawatda dagita a benepisyo imbes a DUA.

Ti Departamento ti Panagtrabaho ti E.U. ti mangimatmaton iti programa ti DUA ken makikoordinar iti Pederal nga Ahensia ti Panagmanehar ti Emerhensia (FEMA) iti Departamento ti Seguridad ti Pagilian. Ti DUA ket iturturayan dagiti ahensya ti UI ti estado nga agtigtignay a kas ahente ti Pederal a gobyerno tunggal maaramid ti deklarasyon ti didigra para iti “indibidwal a tulong agraman ti DUA”.

Dagiti Dakkel a Didigra

Ti “Dakkel a Didigra” ket kayatna a sawen ti aniaman a natural a didigra (kas iti bagyo, alipugpog, ginggined, layus ti bagyo ti niebe, kdp.) wenno dadduma pay a kita ti didigra (kas iti panagbettak, panagruar ti natural a gas, kdp.) nga agresulta iti deklarasyon ti Presidente ti maysa a didigra. Maaramid ti deklarasyon ti Presidente no makita a kasapulan ti tulong ti gobyerno para kadagiti komunidad ken indibidwal a direkta a naapektaran iti didigra. Mabalina a magun-odan ti DUA no ti deklarasyon ket para iti “tulong iti indibidwal agraman ti DUA.”

Ti mangtignay iti DUA

Maibatay iti kiddaw ti maysa a Gobernador ti estado wenno Gobernador ti Tribu/Tsip, mabalina nga ideklara ti Presidente ti dakkel a didigra iti estado. Ti deklarasyon ti mangikeddeng kadagiti lugar a naapektaran iti didigra ken mabalina nga autorisaran ti DUA. Maaramid dagiti anunsyo ti publiko iti lugar ti didigra a mangipakaammo a magun-odan ti DUA, a mangipaay iti impormasyon no kasano ken kaano a makaipila dagiti indibidwal para kadagiti benepisyo.

Pannakakwalipikar para iti DUA

Maysa kadagiti sumaganad a kasasaad ti kinaawan panggedan ti masapul a napasamak kas direkta a resulta ti didigra tapno kwalipikado iti DUA:

1. Ti indibidwal ket addaan iti makalawas a kinaawan panggedan kalpasan ti petsa a nangrugi ti dakkel a didigra;
2. Saan a makadanon ti indibidwal iti panggedanna;
3. Nakaeskednyul a nangrugi ti indibidwal nga agrabaho ket awanen ti trabaho wenno saan a makadanon ti indibidwal iti trabaho;
4. Ti indibidwal ti nagbalin a mangbibig wenno kangrunaan a suporta gapu ta natay ti ulo ti sangakabbalayan kas direkta a resulta ti didigra; wenno
5. Saan a makapagtrabaho ti indibidwal gapu iti pannakadangan a naaramid kas direkta a resulta ti didigra.

Dagiti Kasapulan iti Kualipikasyon

Tapno maikari iti DUA, dagiti indibidwal a makaragpat iti maysa kadagiti mangkualipikado a kasasaad iti ngato ket masapul met a maragpatna amin dagiti sumaganad a kasapulan iti pannakakwalipika:

1. Saan a maikari ti indibidwal para iti regular nga UI;
2. Awan panggedan ti indibidwal kas direkta a resulta ti didigra;
3. Kabaelan ken mabalin ti indibidwal ti agrabaho malaksid no nadangran kas direkta a resulta ti didigra;
4. Ti indibidwal ket nangipila iti aplikasyon para iti DUA iti uneg ti 30 nga aldaw manipud iti petsa ti pannakaipakaammo iti publiko ti kaadda ti DUA; ken
5. Saan a nagkedked ti indibidwal iti naitukon a panggedan iti maitutop a posisyon.

Kaano ken Sadino ti Agipila para iti DUA

Mabalin nga ipila dagiti indibidwal ti DUA claim online iti <https://uiclaims.hawaii.gov>. No ti maysa nga indibidwal ket saan a makaipila iti claim online, mabalinna a kontaken ti ahensia ti UI a libre iti (833) 901-2272 wenno iti (833) 901-2275 wenno iti (808) 762-5751 wenno iti (808) 762-5752.

Masapul a maipila dagiti aplikasyon para iti DUA iti uneg ti 30 nga aldaw manipud iti pannakaipakaammo ti kaadda ti DUA iti estado.

Dagiti Agtultuloy a Sertipikasyon ti Claim

Rumbeng a mapan dagiti indibidwal iti <https://labor.hawaii.gov/ui/ui-forms> ken i-download ti Form ETA 83 – Linawas a Kiddaw para iti Tulong. Magun-odan met iti online dagiti instruksyon no kasano makumpleto ken mangisumite kadagiti porma.

Masapul a linawas a maisumite dagiti porma ti claim para iti tunggal lawas a panagdawatmo iti tulong ti DUA. Kanayon a mangrugi ti periodo para iti linawas a claim iti Domingo ken agpatingga iti Sabado ti lawas nga inpilam. Dagiti porma ti claim ket masapul a namarkaan wenno naawat ti opisina ti claim ti kinaawan panggedan iti uneg ti 7 nga aldaw manipud iti petsa ti panagpatingga ti lawas ti claim. Mabalin nga awaten ti claim iti labes ti 7 nga aldaw no maipakitam ti nasayaat a rason para iti naladaw a panagipila. Ti panangipila kadagiti linawas a sertipikasyon ti DUA babaen ti telepono wenno Internet ket saan a magun-odan iti daytoy a tiempo.

Kasapulan a Pammaneknek ti Panggedan

Kasapulan dagiti indibidwal ti mangipaay iti pammaneknek (k.p., maisubli a buwis ti kita, statement ti bangko) tapno maidokumento ti panggedan wenno bukod a panggedan wenno tapno maidokumento ti trabaho a mangrugi koma iti petsa ti didigra wenno kalpasan ti petsa. No saan a maited ti pammaneknek ti panggedan iti tiempo a pannakaipila ti claim, dagiti indibidwal ket addaan iti 21 nga aldaw ti kalendaryo manipud iti tiempo a pannakaipila ti claim tapno maragpat daytoy a kasapulan. Ti saan a panangisumite iti daytoy a dokumentasyon iti uneg ti 21 nga aldaw ket agresulta iti panagkedked ti DUA, ken aniaman a benepisyo a nabayadan ket maibilang a sobra ti nabayadan. Masapul a bayadan dagiti indibidwal ti aniaman a benepisyo a sobra ti bayadda.

Ti Linawas a Gatad ti Benepisyo (WBA) ti DUA a Mabayadan ken Kapaut ti Benepisyo

Ti kababaan nga WBA ti maysa nga indibidwal para iti Hawaii DUA ket \$283. Mabalin nga umadu ti WBA ti maysa nga indibidwal iti kababaan a WBA a naibatay iti neto a kita (nateggedan) manipud iti bukod a panggedan ken/wenno pakabuklan a tandan manipud iti panggedan. Ti kangatuan a linawas a gatad ti benepisyo ket \$763 para iti 2023.

Dagiti benepisyo ti DUA ket sapasap a mabayadan agingga iti 26 a lawas, mangrugi iti umuna a lawas kalpasan ti petsa a nangrugi ti dakkel a didigra, ken agpatingga iti maika-26 a lawas kalpasan ti petsa a pannakaideklara ti dakkel a didigra babaen iti Presidente.

Diskualipikasyon ken Pannakaisardeng ti DUA

Mabalin a madiskualipikar ti maysa nga indibidwal para kadagiti benepisyo ti DUA wenno mabalin a maisardeng dagiti benepisyo ti DUA no mapasamak ti aniaman kadagiti sumaganad:

1. Agbalin nga empleyado ti indibidwal ken ti kitana ket nalablaves ngem iti linawas a gatad ti benepisyo a maipalubos iti sidong ti linteg ti estado;
2. Agkedked ti indibidwal nga umawat iti maitutop a panggedan nga awan ti nasayaat a rason;
3. Agkedked ti indibidwal nga umawat iti pannakaiturong iti maitutop a panggedan nga awan ti nasayaat a makagapu;
4. Saan a kabaelan wenno saan a mabalin ti indibidwal ti agtrabaho (malaksid no ti kinaawan kabaelan ket gapu iti pannakadangran a gapuanan kas direkta a resulta ti didigra);
5. Saan a mabalin ti indibidwal ti agtrabaho malaksid no ti di pannakagun-od ket gapu iti panagsagana ti indibidwal a mangrugi manen iti bukod na a panggedan; wenno
6. Saanen nga awanan iti panggedan ti indibidwal kas direkta a resulta ti didigra.

Dagiti Apela

Mabalin ti agapela ti aniaman a panangikedked ti DUA. kadagiti benepisyo Masapul nga idatag dagiti indibidwal ti apela iti uneg ti 60 nga aldaw manipud iti petsa a pannakaipaulog ti pannakadetermina.

Panangpondo Kadagiti Claim ti DUA

Ti FEMA ket mangipaay ti pondo para kadagiti bayad ti benepisyo ti DUA ken dagiti gastos para kadagiti estado a mangimaton ti programa. Dagiti bayad ti DUA ket aramiden dagiti ahensya ti UI ti estado kadagiti maikari nga indibidwal nga awanan iti panggedan kas direkta a resulta ti didigra.

Dagiti Buwis ti Estado ken Pederal

Dagiti benepisyo ti DUA ket maipaulog iti Pederal ken Estado a buis iti mateggedan. Mabalin a pilien dagiti indibidwal a maikissay iti Pederal ken Estado a panagtengngel manipud iti panagbayad kadakwada iti DUA. Makaawat dagiti indibidwal iti Form 1099-G nga ipila iti maisubli a buwis ti kitada

Dagiti Maikissay a Suporta ti Ubing

Maikissay dagiti bayad ti suporta ti ubing manipud kadagiti benepisyom iti DUA. No adda saludsodyo maipapan kadagiti pannakaksay ti tsekeyo, pangngaasiyo ta kontakenyo ti maitutop nga opisina ti Ahensya ti Panangipatungpal iti Suporta ti Ubing iti lugaryo.

Opisina ti Impormasyon ti Lokal a claim

Para iti impormasyon a pakakontakan para iti lokal nga opisina ti claim-yo, bisitaen ti <https://labor.hawaii.gov/ui/contact>.

Legal nga Awtoridad

Seksion 410 ken 423, Robert T. Stafford Linteg ti Panangsarany iti Kalamidad ken Emerhensya a Tulong (Stafford Act) (42 USC 5177); Paulo 20, Kapitulo V, Paset 625, Kodigo ti Pederal a Regulasion (20 CFR Paset 625), kas nabaliwan.